

SARS MAAK BEROEP OP VERTEENWOORDIGENDE BELASTINGPLIGTIGES VAN TRUSTS OM TRUSTS TE REGISTREER VIR INKOMSTEBELASTINGDOELEINDES EN/OF UITSTAANDE OPGAWES IN TE DIEN

Tshwane, 27 Mei 2022 - Die Suid-Afrikaanse Inkomstediens (SARS) herinner verteenwoordigende belastingpligtiges van trusts om hul verpligtinge na te kom deur trusts te registreer vir inkomstebelastingdoeleindes.

Trusts is ingesluit by die omskrywing van 'n "persoon" ingevolge die Wet op Inkomstebelasting, 1962 (ITA), en die trustees of verteenwoordigende belastingpligtiges is dus verantwoordelik om alle trusts te registreer vir inkomstebelastingdoeleindes. Trusts, insluitend alle plaaslike trusts, nie-inwonende trusts wat effektiewelik in die Republiek van Suid-Afrika bestuur word, asook nie-inwonende trusts wat inkomste uit 'n Suid-Afrikaanse bron verkry, word vereis om te registreer. Vir meer inligting, verwys na die gereelde vrae op die SARS-webtuiste <https://www.sars.gov.za/businesses-and-employers/trusts/>.

Die verteenwoordigende belastingpligtiges van trusts is die trustees van die trust, maar die verantwoordelikheid om belastingopgawes in te dien mag aan 'n bepaalde trustee of belastingpraktisyn toegeken word. SARS herinner trustees daaraan dat hulle vereis is om seker te maak dat belastingopgawes vir trusts ingedien is. Tans, moet 'n trust, welke aktief of rustend, 'n inkomstebelastingopgawe indien op 'n jaarlikse basis ingevolge die vereistes soos jaarliks uitgereik deur die kommissaris (soos vereis ingevolge artikel 66 van die ITA). Vir die 2021 jaar van aanslag, het die belastingseisoen vir trusts op 1 Julie 2021 geopen.

Verteenwoordigende belastingpligtiges van trusts word herinner aan die beskikbaarheid van die Vrywillige Blootleggingsprogram (VBP), onderhewig aan die vereistes daarvan, sou 'n trust nie vir inkomstebelasting geregistreer wees nie. Besonderhede van die VBP is beskikbaar op die SARS-webtuiste by <https://www.sars.gov.za/legal-counsel/voluntary-disclosure-programme-vdp/>. Sou verteenwoordigende belastingpligtiges verdere hulp benodig, kan hulle die VBP skakel by 0800 864 613 of per e-pos by vdp@sars.gov.za.

Die verteenwoordigende belastingpligtiges van trusts of hulle verteenwoordigers word aangeraai om te verseker dat uitstaande inkomstebelastingopgawes sonder vertraging ingedien word om verdere boetes en rente te vermy.

SARS-kommissaris Edward Kieswetter het SARS se verbinding bevestig om helderheid en sekerheid aan belastingpligtiges te verskaf sodat hulle sonder moeite hul wetlike verpligtinge kan nakom, en trusts is een van die instrumente wat belastingpligtiges gebruik vir verskeie doeleindes.

Hierdie stelling vervang nie die werklike teks van die bepalinge van die Wet op Inkomstebelasting, 1962, nie, en ook nie die riglyne op die SARS-webtuiste nie. Belastingpligtiges wat verdere hulp benodig, kan verwys na ons webtuiste www.sars.gov.za.

Vir meer inligting, kontak SARSMedia@sars.gov.za.

